

100% SOZIAL DIE LINKE.

Te e socijalna pravda avela la šanca – si 10 deš punkturi pala e solidarno politika

Kamle manušnjalen, manušalen,

te mangel tumen te odlučin, kaj te džal o drom? Trubun te džan 22. Septembar ko biranje po savezno nivo! Tumen trubun te keren zor e partijaha kaj mujel pe LINKE te borin tumen lenca te na huraven e socijala vi te na keren pre but bari te dilini kontrola. Tumen trubun te odlučin te avel o tem, e puv mirno ande solidarno evrop. Pe sasti lumija e terne manušen trubul e lači edukacija, manušnja te manuša kaj si ande penzija trubuj len e lači ekonomsko situacija.

Te birina e LINKE, von roden: kaj si dosta golesa kaj e manuša si len buči ma pale si čore, aver manuša gači but radin kaj aven goletar nasvale, aver manuša našti maraken buči te šaj dosta zaradin te šaj goletar trajin, aver pale manuša si matre-tiri-me. Vi te si bari kriza ma pale e firme keren baro profit. Ande Germania si 800 000 ohto šela miljone-rura, te naj tana pala e čavoren ande kindergarten-uri, trubun e školske zgrade te popravin pe, te aven e biblioteke maj moderni, vi ande gava te avel e situacija maj lači. E elektrika avel sa maj kuč, vi e kera aven sa maj kuč, te goletar e manuša musaj te liken ande pire kera te džan ande aver kera pe aver foreske kvarti-ruri. Vi akana keren e kiriza pe manušenge dume. A e zor si ke privatne banke te lengi zor trajil sa maj dur.

Ni jek manušni o manuš ni trubul te lel pe pe e nepravda. E LINKE rodel te e manuša so si but

barvale te lengo but baro barvalipe te džal pala sa e manušen. Te e manuša, naj len maj but dar kaj ka perel tele lengi situacija, kaj ka aven čore, kaj e manuša ka maren pe maškar pe. Amen mangas te na ni jek manuš kerel buči pe zor, te sa e manuša šaj pokinen pe kera, te avel len vreme pala peste, pala pi familija te pala pe amala. Lačo trajo naj luksus. Te e socijalna pravda dobil šanca, trubul te mjenil pe but ande amaro tem.

Pala sa gova šaj te den tumaro havazi pala e LINKE:

■ E LINKE tovel pe – pe manušengi rig kaj keren buči, kaj trubul del pe lenge respekt te del pe lenge lači buči. Trubul majanglal minimalno te del pe 10 deš Euro po časno e manušenge kaj keren buči, te gova trubuj te avel ramome ando germansko zakoni. Amen rodas te avel dosta golesa kaj den cira love e manušenge so keren buči, kaj keren bilače lila pala manuša so si pe buči, te trubul sa gola bilače lila te transformirin pe te aven e manuša pokinde pe tarifa vi te aven socijalno osigurime, e socijalno asiguarcija. Panč miljonuri manuša si bi bučako ande germania, te pale naj dosta manuša pe buči ando hospitali, ande bolnica te sastaren e manušen, naj dosta manuša pe buči ande sikavde te araken čavoren, vi naj manuša pe buči kaj si profesionisturi. Amen mangas te keras e programa pala o futuro, pala o budućnost, pala o vreme so si angla amende. Trubuj amen e investicija katar o foro te bi šaj avela savorengne lače. Amen rodas

te e manuša na keren but bući, vi te na avel len stres, trubuj maj cira te keren bući, te avel len vreme pala pesta, pala e familija, pala pe amala.

■ Amen penas: O Hartz IV kerel e manušen te aven čore, o foro kerel e manušen po german-sko zakoni te aven čore. Goletar amen rodas te gava sistemi so si te čudel pe. Amen mangas te keras o konzepto kaj si minimalno pala sa jek manuš te na ni jeke manuše ni avel maj cira katar 1050 Euro. So maj sig te vazdel pe o Hartz IV pe 500 Euro. Amen rodas te na aven maj but e sankcije, e doša, e zajednice, e bući pala jek Euro, trubul te avel pala sa jek manušni te manuš minimalno so trubuj len pala o trajo, laći bući te laći kvalifikacija.

■ E penzija trubuj e purenge te avel gaći te šaj trajin laće. Goletar amen rodas te pale vazdel pe o nivo katar e penzije po 53 %. Te na bi e pure aven čore, rodas e solidarno minimalno penzija, kaj trubul te avel minimalno 1050 Euro. But manuša ka profitirin goletar, a po maj but e romnja kaj von sas pokinde maj cira love kana pirena pe bući, kana bučarina.

■ E plate te e penzije ande nevi Germania vi akana si maj cira so si ande puri, ande west Germania. Te goja nepravda mangas te čudas la.

■ Ko kerel bući te vi kerel but love trubuj sar sas ando vreme kana sas o Helmut Kohl, te pokinel 53% takse pe pe love. Trubuj te avel vi e taksa pala e manuša so si miljone-ruri. Gola love so ka len pe pe takse trubuj pala te del pe pala e kindergarten -uri, pala e sikavde, pala e socijalni kera. E LINKE si jekto partija maškar sa e partije kaj mangel te huravel e takse pala e manuša kaj keren bući te keren love dzi ke 6000 šov mile Euro ando čon.

■ Amen rodas jek solidarno sastipengo sistemi te avel pala sa e manuša: jek sistemi pala savoren. Savore pokinen pala o sastipengo sistemi, te savore šaj te len o lačo service pala o sastepe. Trubuj gova sistemi te čudel pe, kaj si te pokindol pe kana manges maj lačo service pala čo sastipe. E firme trubun pale te pokinen, te vi von den financije pale pala o sastipengo sistemi. Gaja šaj te avel e rata so trubun te pokinen e manuša pala o sastipengo sistemi maj cira. E privatno sastipengi asiguracija šaj te avel pala e manuša kaj roden o ekstra service.

■ Kana sas e bari financisko kriza te katar gova vreme barile e spekulacije pala e kera sar ekspolsija, a vi e kririje, e miete pala e kera but vazdinjale, barile. Amen rodas te stopiril pe gaja situacija, kaj e kera aven sa maj kuć, te goletar čuden pe e manuša andar e kera. Amen

rodas te pokindon pe e kera so maj cira. Trubun amen maj but kera kaj si socijalni kera.

■ Amen rodas te avel e elekrika te o paj pala sa jek manušni te manuš ande germania sar elementarno zakoni ramome, trubuj te avel pala sa e manuša za garantime. Te e Energija šaj avel po socijalno nivo te šaj pokinel la sa jek manušni te manuš. E elekrika te o paj trubun te aven ande foreke va tala e demokratsko kontrola. Te panden e elekrika e manušenge ande kera gasave situacije ni troman maj but te aven.

■ Avilo o vreme kaj trubun akana gola manuša te pokinen kaj sas len o profit katar e kriza. Trubuj te avel kontrola pe banke te pe lenge financije. Trubuj sa e manuša te diken e situacija katar e banke sar si te so si. Trubuj te avel e taksa pala e financicke trans-akcije. Kas si baro barvalipe maj but katar jek milijono Euro trubuj jekto drom te pokinel e taksa pe love, gova trubuj ande sasti evropra gaja te avel, gova trubuj te avel o angluno prno andar e kriza pala o užilipe.

■ Te naj o miro naj kanć lačipe pe lumija. O mili-teri, e vojska trubuj sa te iril pe kere. Naj dosta te avel samo e kontrola po export pala e jagale. Trubuj te avel e sankcija, te den pe e doša. E produkcija pala e jagale trubuj te pandel pe, te kerdol pe e produkcija pala o civilno lačipe.

Amen naj te penas e alava, a kanć ni keras, amen mangas te keras katar amare alava realizacija. Amen rodas vi e aver partije te keren varso. Trubuj amen maj but te maj bari slobodija. Amen mangas po demokratsko drom te hamis amen. Amen rodas te avel vi te ačel amaro socijalno sistemi so maj zuralo, a vi te avel o tem, sasti lumija po miru. Den tumaro havazi pala e socijalno pravda, pala e laći političko alternativa:

den tumaro havazi po 22. September pala e LINKE!

E LINKE si jekto partija po nacionalno nivo kaj kerel pala peste reklama bi te lel love katar e banke o katar e firme.

Te mangel šaj den amen love:

Konto 5000 600 000

BLZ 100 900 00 (Berliner Volksbank)

Code: Wahlkampfspende

Diken amen po: www.die-linke.de/spenden

O kontakt: DIE LINKE

Kleine Alexanderstraße 28, 10178 Berlin

Telefon: 030/24 00 99 99, Faks: 030/24 00 95 41

wahlquartier@die-linke.de

www.die-linke.de

V.i.S.d.P. Matthias Höhn